

რუსეთში კერკირის მიტროპოლიტ ნექტარიოსის ვიზიტი შედეგა



სსკგ-ის კომუნიკაციის სამსახური, 30.08.2026. 17-24 აგვისტოს მოსკოვისა და სრულიად რუსეთის უწმინდეს პატრიარქ კირილეს მონღოლეთი და ელადის მართლმადიდებელი ეკლესიის წმინდა სინოდის კურთხევით, კერკირის, პაქსისისა და დიაპონტის კუნძულების მიტროპოლიტი ნექტარიოსი მომლოცველობით ვიზიტით რუსეთს ეწვია. ვიზიტის ერთ-ერთი მიზეზი იყო წმინდა სპირიდონის ტრიმიფუნტელის მარჯვენა ხელის რუსეთში ჩამოგრძანება მორწმუნეთათვის თაყვანსაცემად.

ბერძნული დელეგაციის შემადგენლობაში ასევე შედიოდნენ კერკირის სამიტროპოლიტოს სასულიერო პირები და თანამშრომლები: არქიმანდრიტი დოსითეოსი (პაპამიტროსი); კერკირის წმინდა სპირიდონის საკათედრო ტაძრის წინამძღვარი, წმინდა სპირიდონ ტრიმიფუნტელის წმინდა ნაწილების მცველი პროტოპრესვიტერი გიორგი ვლახოსი; არქიდიაკონი ვესები (პანდისი); პ. სპირიდონიდისი; კერკირის სამიტროპოლიტოს მდივანი კ. ფიმისი; კერკირის წმინდა სპირიდონის საკათედრო ტაძრის სამრევლო

საბჭოს წევრი ს. აგათოსი; ი. სტოიკოვიჩი და ფ. ნტალასი.

დელეგაციას თან ახლდნენ რუსეთის მართლმადიდებელი ეკლესიის მომლოცველობის განვითარებისა და სინმინდეების ჩამოგრძნების კომისიის მდივანი, მღვდელი ვასილი კოვალჩუკი; მოსკოვის საპატრიარქოს საგარეო საეკლესიო კავშირების განყოფილების თანამშრომლები, მღვდელი ანატოლი ჩურიაკოვი და მღვდელმონაზონი მარკოზი (ახმატხანოვი).

შერეგეტიევის აეროპორტში ბერძნულ დელეგაციას დახვდა მოსკოვის საპატრიარქოს საქმეთა მმართველი, ვოსკრესენსკის მიტროპოლიტი გრიგოლი მოსკოვის სამღვდლოებასთან ერთად.

პოკროვსკის სტავროპიგიალურ დედათა მონასტერში, რომელიც მოსკოვში დელეგაციის ბინადრობის ადგილი გახდა, მიტროპოლიტი ნეკტარიოსი და მისი თანმხლები პირები თბილად მიიღეს მონასტრის ილუმენია თეოფანია (მისკინა) და მონასტრის დებმა.

18 აგვისტოს, მოსკოვის საპატრიარქოს საგარეო საეკლესიო კავშირების განყოფილებაში გაიმართა ვოლოკოლამსკის მიტროპოლიტ ანტონის შეხვედრა ბერძენ იერარქთან.

19 აგვისტოს, უფლის ფერისცვალების დღესასწაულზე, მიტროპოლიტმა ნეკტარიოსმა და მისმა თანმხლებმა სასულიერო პირებმა ქრისტე მაცხოვრის საკათედრო ტაძარში საღვთო ლიტურგიაზე თანამსახურება გაუწიეს მოსკოვისა და სრულიად რუსეთის უწმინდეს პატრიარქ კირილეს. წირვის შემდეგ მიტროპოლიტ ნეკტარიოსს რუსეთის მართლმადიდებელი ეკლესიის წმინდა სერაფიმე საროველის II ხარისხის ორდენი გადაეცა რუსეთისა და ელადის მართლმადიდებელი ეკლესიების მეგობრული ურთიერთობების განმტკიცებაში შეტანილი წვლილისთვის. თავის მხრივ, ბერძენმა იერარქმა, ნაიკითხა სიგელი და რუსეთის მართლმადიდებელი ეკლესიის წინამძღვარს გადასცა კერკირის სამიტროპოლიტოს უმაღლესი ჯილდო – „წმინდა სპირიდონის ვარსკვლავით მორთული ოქროს ჯვრის“ ორდენი.

იმავე საღამოს ელადის მართლმადიდებელი ეკლესიის დელეგაცია ეწვია მოსკოვის ზაჩატიევის სტავროპიგიალურ მონასტერს, სადაც ის თბილად მიიღეს მონასტრის ილუმენია იულიანამ (კალედა) და მონასტრის დებმა.

20 აგვისტოს, ბერძნული დელეგაცია მოსკოვიდან სპეციალური რეისით გაფრინდა ჩუვაშეთის რესპუბლიკაში. ქ. ჩეხოქსარის ა.გ. ნიკოლაევის საერთაშორისო აეროპორტში შეხვედრა გაიმართა. თვითმფრინავის ტრაპთან წმინდა სპირიდონის მარჯვენა ხელს და მის თანმხლებ დელეგაციას დახვდნენ ჩეხოქსარისა და ჩუვაშეთის მიტროპოლიტი სავატი; კანაშისა და ბელოვოლგის ეპისკოპოსი სტეფანე; ალატირისა და ბატირევის ეპისკოპოსი თეოდოსი; ჩუვაშეთის რესპუბლიკის ადამინისტრაციის ხელმძღვანელი ვ.ა. ბორისოვი, ჩუვაშეთის რესპუბლიკის კულტურის, ეროვნებათა და არქივის მინისტრი ს.ა. კალიკოვი; ჩუვაშეთის სამიტროპოლიტოს სასულიერო პირები.

შემდეგ, ქ. ჩეხოქსარის ვედენსკის საკათედრო ტაძარში გაიმართა საზეიმო დახვედრა წმინდა სასწაულთმოქმედ სპირიდონის მარჯვენა ხელთან, რომელიც მოთავსებულია სეციალურ ლუსკუმაში. მის წინაშე კერკირის მიტროპოლიტმა ნეკტარიოსმა და ჩეხოქსარისა და ჩუვაშეთის მიტროპოლიტმა სავატიმ, ჩუვაშეთის სამიტროპოლიტოს ეპისკოპოსებისა და მღვდლების თანამსახურებით, პარაკლისი აღავლინეს.

დღის განმავლობაში სტუმრებმა მოილოცეს მაცხოვრის ფერისცვალების დედათა მონასტერი, სადაც ისინი მიიღეს ილუმენია სერგიამ (რუზავინა) და მონასტრის დებმა; ასევე წმინდა სამების მამათა მონასტერი, სადაც მათ შეხვდნენ მონასტრის წინამძღვარი, არქიმანდრიტი ვასილი (პასკიე) და მონასტრის საძმო.

სალამოს დელეგაცია ჩუვაშეთის სამიტროპოლიტოს მთავარეპისკოპოსთან და სასულიერო პირებთან ერთად, საზეიმო მიღებას დაესწრო, რომელიც ჩუვაშეთის რესპუბლიკის მეთაურმა, ო.ა. ნიკოლაევმა გამართა რეგიონში წმინდა სპირიდონის მარჯვენა ხელის ჩამობრძანებასთან დაკავშირებით. მიღებას ესწრებოდნენ რუსეთის ფედერაციის ფედერალური კრების სახელმწიფო დუმის ფინანსური ბაზრის კომიტეტის თავმჯდომარე ა.გ. აქსაკოვი; რუსეთის ფედერაციის ფედერალური კრების სახელმწიფო დუმის დეპუტატი ა.ლ. სალაევა; ჩუვაშეთის რესპუბლიკის სახელმწიფო საბჭოს დეპუტატები და მინისტრთა კაბინეტის წევრები; საზოგადო მოღვაწეები.

21 აგვისტოს, კერკირის მიტროპოლიტმა ნეკტარიოსმა და ჩეხოქსარისა და ჩუვაშეთის მიტროპოლიტმა სავატიმ ვედენსკის საკათედრო ტაძარში საღვთო ლიტურგია აღავლინეს. მათ თანამსახურება გაუწიეს ყოვლადუსამღვდელოესმა ეპისკოპოსებმა სტეფანემ და თეოდოსიმ, ბერძნული დელეგაციის წევრებმა და მათმა თანმხლებმა პირებმა, ჩუვაშეთის სამიტროპოლიტოს სასულიერო პირებმა და სამღვდელო ხარისხის მქონე სტუმრებმა. ლიტურგიის დასრულების შემდეგ, მიტროპოლიტი სავატი კვლავ მიესალმა მიტროპოლიტ ნეკტარიოსს ჩუვაშეთის სამიტროპოლიტოს მთავარეპისკოპოსების, სამღვდელოებისა და ღვთისმსახურებაში მონაწილე ყველა პირის სახელით და მადლობა გადაუხადა ლოცვითი თანაზიარების სიხარულისთვის.

ჩუვაშეთის სამიტროპოლიტოს მეთაურის ბძანებულებით, წმინდა ეკლესიის საკეთილდღეოდ მრავალწლიანი გულმოდგინე შრომის გათვალისწინებით და ჩეხოქსარის ეპარქიაში წმინდა სპირიდონ ტრიმიფუნტელის მარჯვენის ჩამობრძანებასთან დაკავშირებით, მიტროპოლიტი ნეკტარიოსი დაჯილდოვდა სამი ყაზანელი წმინდა მღვდელთმთავრის – გურიის, გერმანისა და ბარსანოფის სახელობის ჩუვაშეთის სამიტროპოლიტოს I ხარისხის მედლით. საპასუხოდ მიტროპოლიტმა ნეკტარიოსმა ეპისკოპოს სავატის მიულოცა მისი წმინდანის ხსენების დღე. წმინდა სპირიდონ ტრიმიფუნტელის მარჯვენა ხელის ჩუვაშეთში ჩამობრძანებასთან დაკავშირებით, ჩეხოქსარისა და ჩუვაშეთის მიტროპოლიტ სავატის ბრძანებულებით, ასევე დაჯილდოვდნენ: შპს „რეგიონული ენერგეტიკული კომპანიის“ დირექტორთა საბჭოს თავმჯდომარე ა.ვ. კარმაკოვი – სამი წმინდა ყაზანელის მღვდელთმთავრის, გურიის, გერმანისა და ბარსანოფის ჩუვაშეთის სამიტროპოლიტოს I ხარისხის მედლით; კერკირის სამიტროპოლიტოს წინამძღვრის თანაშემწე პ. სპირიდონიდისი – ჩეხოქსარ-ჩუვაშეთის ეპარქიის წმინდა მონაწილე აბრაამ ბულგარელის II ხარისხის მედლით; სსკგ-ის თანამშრომელი მღვდელმონაზონი მარკოზი (ახმატხანოვი) – ჩეხოქსარ-ჩუვაშეთის ეპარქიის წმინდა მონაწილე აბრაამ ბულგარელის III ხარისხის მედლით.

შუადღისას შედგა სინმინდის გაცილების ცერემონია, რომელიც დაიწყო ვედენსკის საკათედრო ტაძრიდან ჯვრით მსვლელობით „ტაძრისკენ მიმავალ გზაზე“ გავლით ქ. ჩეხოუსარის სამდინარო პორტამდე. სადაც წმინდა სპირიდონ ტრიმიფუნტელი საკვირველთმოქმედისადმი მიძღვნილი პარაკლისი აღევლინა.

21 აგვისტოს დელეგაცია თათრეთის დედაქალაქში ჩავიდა. ყაზანის სამდინარო პორტში სინმინდესა და სტუმრებს დახვდა ყაზანისა და თათრეთის მიტროპოლიტი კირილე. დახვედრაში მონაწილეობა მიიღეს თათრეთის რესპუბლიკის სახელმწიფო საბჭოს თავმჯდომარის მოადგილემ იუ. კამალტინოვმა, ქ. ყაზანის მუნიციპალური განათლების თავმჯდომარის პირველმა მოადგილემ დ. კალინკინმა და ყაზანის ეპარქიის სასულიერო პირებმა.

შემდეგ, მთავარეპისკოპოსებისა და სასულიერო პირების თანხლებით, ლუსკუმა სინმინდით მიაბრძანეს ყაზანის ღვთისმშობლის მონასტრის ყაზანის ღვთისმშობლის ხატის სახელობის საკათედრო ტაძარში, სადაც საზეიმო პარაკლისი აღევლინა.

22 აგვისტოს თათრეთის რესპუბლიკის მთავრობის სახლში თათრეთის რაისი რ. მინიხანოვი შეხვდა მიტროპოლიტ ნეკტარიოსს. შეხვედრაში ასევე მონაწილეობდნენ ყაზანისა და თათრეთის მიტროპოლიტი კირილე და თათრეთის რესპუბლიკის რაისის ადმინისტრაციის ხელმძღვანელი ა. საფაროვი. რ. მინიხანოვმა მადლობა გადაუხადა მიტროპოლიტ ნეკტარიოსს თათრეთის მართლმადიდებელი მორწმუნეებისთვის პატივდებულ სინმინდესთან ზიარების შესაძლებლობისთვის.

იმავე დღეს, ყაზანისა და თათრეთის მიტროპოლიტი კირილე ყაზანის ეპარქიის ადმინისტრაციაში კერკირის სამიტროპოლიტოს დელეგაციის წევრებს შეხვდა. მიტროპოლიტმა კირილემ სტუმრებს ესაუბრა თათრეთის სამიტროპოლიტოს ცხოვრებაზე, რელიგიათაშორის თანამშრომლობაზე სოციალური პროექტებისა და საქველმოქმედო ინიციატივების განხორციელების ფარგლებში, მართლმადიდებლური სინმინდეების აღორძინებაზე თათრეთის რესპუბლიკის ხელმძღვანელობის მხარდაჭერით. სამიტროპოლიტოს მეთაურმა ხაზი გაუსვა, რომ რეგიონმა საგულდაგულოდ შეინარჩუნა საუკუნოვანი მშვიდობიანი თანაცხოვრება სხვადასხვა ეროვნებისა და აღმსარებლობის ადამიანებს შორის.

2026 წლის 23 აგვისტოს, სულთმოფენობიდან მე-12 კვირიაკეს, ყაზანის ღვთისმშობლის მონასტრის ყაზანის ღვთისმშობლის სახელობის ხატის საკათედრო ტაძარში გაიმართა საზოგადო სამღვდელთმთავრო ლიტურგია, რომელიც აღასრულეს კერკირის, პაქსისისა და დიაპონტის კუნძულების მიტროპოლიტმა ნეკტარიოსმა, ყაზანისა და თათრეთის მიტროპოლიტმა კირილემ, ალმეტიევისა და ბუგულმის ეპისკოპოსმა მეთოდემ, არგენტინისა და სამხრეთ ამერიკის ეპისკოპოსმა ლეონიდემ და ნაბერეჟნიე ჩელნისა და ელაბუგაის ეპისკოპოსმა გაბრიელმა.

ღვთისმსახურების დასრულების შემდეგ მიტროპოლიტმა კირილემ მიტროპოლიტი ნეკტარიოსი ყაზანის ღვთისმშობლის ხატის I ხარისხის მედლით დააჯილდოვა. წმინდა სპირიდონის წმინდა ნაწილის ჩამობრძანებაში განეული ძალისხმევისთვის მადლიერების ნიშნად ყაზანის ღვთისმშობლის ხატის II

ხარისხის საეპარქიო მედლით დაჯილდოვდა ა.ვ. კარმაკოვი, წმინდა მღვდელთმთავარ გურია ყაზანელის II ხარისხის მედალი გადაეცა პ. სპირიდონიდისს.

ვიზიტის დასასრულს, მიტროპოლიტმა ნეკტარიოსმა და მისმა თანმხლებმა პირებმა მოილოცეს ყაზანის ძველი ტაძრები, რის შემდეგაც საბერძნეთში გაემგზავრნენ.

წმინდა მღვდელთმთავარ სპირიდონის წმინდა ნაწილი რუსეთში 2026 წლის 20 სექტემბრამდე დარჩება.

წყარო: <https://mospat.ru/ge/news/94521/>